

Kwakulusuku olushisa kakhulu, likhiphe umkhovu etsheni.
uKhosi wayehla enyuka engayazi into angayenza, kwazise
wayesele yedwa ekhaya.

Umama wakhe wayevuke waphuthuma emasimini, washiya
uKhosi ekhaya.


“Ngingasichitha ngani isizungu esingaka, njengoba nelanga
lishisa kangaka?” kucabanga uKhosi.



Masinyane uKhosi wafikelwa umcabango.

"Umfula! Ngizoyobhukuda emfuleni. Pho ngizohamba nobani njengoba umama ethe ngingalokothi ngihamble ngedwa?" kucabanga uKhosi.


Kulowo mzuzwana kwadlula umama u-Sophie ethwele izimpahla eya emfuleni.



"Ehene! Ngizolandela umama u-Sophie, ngiye naye emfuleni," kusho uKhosi ekhuluma yedwa.

Washo ngejubane emva kukamama u-Sophie, "Ngicela ukuya nawe emfuleni," kuncenga uKhosi. Umama u-Sophie wanqekuzisa ikhanda emoyizela.

Kwathi besahamba babona uNozipho ebalandela. UNozipho wayengakuthandi ukubhukuda kodwa wayethanda ukubukela abangani bakhe bebhukuda.



"Namhlanje ngizobhukuda esizibeni esijulile, habe!
Angiseyona ingane mina, ngifuna ukubamangalisa bonke,"
kusho uKhosi.

Wagxumela esizibeni ngokushesha, watshuza waya phansi,
waya phezulu. Waphinde washona phansi ezabalaza
ukukhipha ikhanda ngaphezu kwamanzi.

Kwenzeka konke lokhu uNozipho ubhekile umi osebeni
lomfula.



Kwabonakala sengathi wonke umuntu osesizibeni
uyakuthokozela ukubhukuda, kwazise lalibalele
nasebukhweni bezinja.

Kwakunomsindo omkhulu esizibeni engekho olalele
omunye.

Babememezana bethokozile impela.



Esame lapho uNozipho ebukela wabona ukubhukuda angakwejwayele.

Wabona uKhosi esekude nezinye izingane ezansi nomfula.

Wasondela ebhekisia lesi simanga. Wethuka, wagijima waya kwabesifazane ababehlanza izingubo emfuleni.

“Sizani! Yelekelelani bo!” Nangu uNozipho eminza!




Ngokuphazima kweso umama u-Sophie waziphonsa esizibeni.

Wagwinja, wavumbuka, waphinda wagwinja waze wayofinyelela kuKhosi.


Wafika wamuthi thasi! Ngengalo wambeka emhlane.

Waphuma naye esembelethe.



Wahamba eshesha wedlula iqembu lezingane nabesifazane ababekhala isililo bekhalela uKhosि. Wahamba njalo waze wayofika emtholampilo.

UNozipho wayelokhu emlandele njalo umama u-Sophie owayebelethe umngani wakhe



Emthalampilo bahlangatshezwa ngumhlengikazi UNoxolo
owabaphuthuma ngosizo.

Abanye abahlengikazi baphuthuma besizana nomhlengikazi
uNoxolo ekuhlengeni impilo kaKhosi.


“Uphephile, sinenhlanhla ngoba akazange abe semanzini
isikhathi eside.”



Umama u-Sophie wadonsa umoya kakhulu a njengomuntu obekade ethuke kakhulu kodwa osenethemba.

Bonke abebekhona emtholampilo bamncoma ngesibindi sakhe.


“Ngiyabonga ukuthola ithuba lokuba ngisindise impilo,” esho ngokuzithoba.



Indaba yafika masinyane enkundleni yesigodi. Induna yathomela ukuthi kubizwe umama u-Sophie.

Induna yalalela ngesineke umama u-Sophie eyilandisa ngokufunda kwakhe ukuhlamba waze waba yinhlambi evelele.

"Ngisenyintomazanyana umngani wami wayehlala ngaphesheya komfula. Umfula lo wawuyingxene ye yempilo yethu. Sasihlangana khona sikhe amanzi, sihlanzo izimpahla futhi sibhukude," umama u-Sophie utshela induna.



Induna yakhipha isinqumo sokuklomelisa umama u-Sophie ngesenko sakhe sobuqhawe.

Abesifazana balilizela, abesilisa bashaya amakhwela,
izingane nazo zamemeza ngentokozo.

Kusukela ngalolo suku izingane zazithanda ukulandela
umama u-Sophie lapho eya khona.

Wawuzwa zicula, "Angesabi lutho, uma nginomama u-Sophie, iqhawekazi lethu!"